

Compositornan ‘Orguyo di Brazil’

Exposicion di parokia Brazil cu un dobbel CD cu 41 cantica riba dj'e, di 17 compositor di Brazil.'

Na Brazil tin diferente compositor. Casi den cada decada tin uno. Prome cu esey tawatin compositornan desconoci. Esun di mas edad tawata Jose v/d Linde (rip) y esnan di mas hoben ta Luicarlo, Luigi Cortes y Ronwayne Kock.

E musiconan di antes, manera Vicente Ras, Coby Maduro, a lanta den un epoca cu e imigrantenan a cuminsa forma parti di conhuntonan local. Conhunto Superior (añanan 40 -50), por ehempel no tawatin blasdo. Butler di Barbados, trompetista y Emilio Suarez, saxofonista Dominicano, a aregla y toca pa Conhunto Superior. Despues cu entrada di radio emisoranan, e musiconan a wordo exponi entre otro, na musica di Cuba, Republica Dominicana y Mexico. Varios di nos compositornan a compone den e ritmonan nobo, sinembargo, nan a mantene nan folklor. Habitantenan di Brazil a hayanan mes confronta cu cambionan grandi, nan a asimila cierto apespectonan, manteniendo nan mes identidad.

Comicion di Historia di Parokia Brazili ta hopi druk. E dianan 4 pa 9 di September ta yegando serca y e comocion ta masha contento cu tur e reaccion riba e articulonan den prensa. Tin hopi entusiasmo pa e dianan di exposicion. Pa locual ta e musica di e bario , tin un dobbel CD cu lo bini cla otro siman . Total tin 41 cantica riba dj'e, di 17 compositor di Brazil. Teniendo esaki na cuenta, mira adhunto e compositornan 'Orguyo di Brazil.'

- **Jose van der Linde 1919 – 1993** a compone di 1943 -1955. Compositor di Trio Sabaneta y tipico Flor de Mayo.
- **Erigino Ras 1923.** A compone te cu 2003. Tocado di cuarta guitarra, guitarra y raspa. Sr. Ras a compone pa diferente agrupacion y pa diferente cantante participa den festivalnan.
- **Prisciliano Maduro** 1921- 1998. Compositor, guitarista, tocado di fiyo y a toca den diferente agrupacionan musical.
- **Vicente Ras 1930.** Tocado di tambu y maraca, cantante , compositor y a lanta diferente grupo entre otro Grupo ‘Sodo y Cuero’.
- **Maria Gonzalves – Krozendijk** compositor di musica di tambu y contado di chasco.
- **Juan Ras 1935- 1996.** Compositor, guitarista y a lanta diferente trio.
- **Bernadina Growell-Kock 1939 - 2009.** Compositor, cantante, tocado di guitar y cuarta. A compone mas cu 400 cantica. Sra Growell a lanta diferente agrupacionnan. Sra Growell – Kock tawata compositor di Sensacion del Caribe (cu a acompania Yrad Illidge, Lord Boxoe na varios ocasion)

- **Andres Maduro**, compositor y tocado di sonfonia di man. Sr. Maduro a lanta diferente agrupacionnan.
- **Erick Tchong** compositor y pianista. Docente di guitarra clasico, orgel, piano, cuarta y mandolin. Organista pa diferente koor. Realisador di e metodo di piano pa principiante “lor’un Wals” di Sr. Eddy Bennet (RIP).
- **Gabriel Ras**. Compositor, guitarista y a toca pa diferente agrupacion musical.
- **Oswald Ras. Compositor, guitarista. A a toca den diferente agrupacion musical y a lanta lanta su mesun agrupacion mucical.**
- **Rudolf Cortes**. Compositor di diferente ritmo di folklor y ritmo di gaita. Musico pa diferente agrupacion musical entre otro agrupacion di gaita gospel.
- **Roberto Cortes**. Compositor di ritmo folklor y gaita, miembro di diferente grupo di gaita, co-fundador di diferente grupo.
- **Marion Maduro**. Compositor di ritmo folklor y di gaita. Sra. Marion a lanta su propio agrupacion musical “Chicas Gaiteras”. Marion Maduro tin un composicion cu a gana tumba infantil.
- **Luicarlo (Luigi) Cortes**. Compositor, miembro y co-fundador di diferente grupo di gaita.
- **Sensacion Agrupacion musical del Caribe** a ser funda na 1965 y a toca canticanan di diferente compositornan, entrenan: Secundino Quant y Gabriel Ras.
- **Impacto Musical a lanta na 1967**. Nan a toca canticanan di diferente compositor manera Yrad Illidge (Lord Boxoe) y Thomas C. Delaney.
- **Caha di orgel Nos Anarosa di Marcelo (Buchi) Irausquin** ta presenta cu compositornan: Allegandro Farro, Edwin Tromp.
- **Otro compositornan**
Vicente Croes, Milton Stamper, Frenk Kock, Sergio Vos, André Larez, Ronwayne Kock

Compila pa Celia O. Thiel